


Vischnaunca da Medel/Lucmagn



**Ordinaziun executiva
tier il reglament da traffic
per la
vischnaunca da Medel/Lucmagn**

Art. 1 Basa legala

Sin fundament digl art. 9 dil reglament da traffic communal relai la suprastanza communal las suandontas determinaziuns executoricas.

Art. 2 Cartas da legitimaziun

¹ La suprastanza communal fixescha suandonta specia da cartas:

- a) carta cotschna per menaschis purils (era accessoris)
- b) carta blaua per ulteriur diever
- c) bloc cun sistem da copia per lubientschas dil meins ni da treis dis

² Cun registrar la numera digl auto sin la carta vala tala specificamein mo per in vehichel.

³ La distribuziun da tut las cartas succeda entras l'administraziun communal.

Art. 3 Valeivladad dallas cartas

- a) La carta per menaschis purils vala per tut las vias cun excepziun dalla via Crap Stagias e Cavorgia.
- b) La carta per ulteriur diever duei valer pil solit per ina categoria da vias sco fixau egl art. 4, el maximum denton per treis differentas categorias. La categoria sto vegnir menziunada sin la carta.
- c) La carta da treis dis sa vegnir prolungida en cass excepziunals (sco p. ex. vacanzas) tochen siat dis.

Art. 4 Categorias da vias

La suprastanza communal fixescha suandontas categorias da vias che vegnan impurtadas cun differentas colurs sin ina carta geografica:

- I. grisch: Soliva – Clavasuras – Fontauna Rodunda, Quadras
- II. verd: Curaglia – Gliarauns, La Greppa – Pardatsch – Val Mulina, Biscuolm – Surpali
- III. tgietschen: Mutschnengia - Stagias – Pazzola, Plauns, Vergera, Pali – Truaisch, Davospali, Mireia, Craps, Cazirauns
- IV. brin: Druai – Plaun Pardatsch, Zunins, Muts
- V. rosa: Acla – Surtatschas, Duscherei
- VI. blau: Tagiola, Pardé – Plaun Pardatsch, Fuorns – Puzsetta, Pardé - Acletta – Surauas

Art. 5 Lubientschas extraordinarias

¹ Per occurrenz as organisadas sco fiastas campestras, fiastas da famiglia, fiastas d'uniuns eav. sa vegnir dau per la via frequentada ina lubientscha en fuorma d'ina taxa pauschala. Quella munta tochen 10 vehichels a fr. 50.— e sur 10 vehichels fr. 100.—.

² Per la raccolta da lenna retscheiva il petent ina lubientscha gratuita per la via basigneivla. Tala vegn limitada sin in cert temps sco p.ex. in meins.

Art. 6 Determinaziuns generalas

¹ Sco emprema carta vala la categoria aulta da vehichel, quei vul dir, vehichel da quater rodas avon che vehichel da duas rodas.

² Premissa per retrer cartas supplementaras ei ch'il petent ni il conjugal posseda gia ina lubientscha.

Art. 7 Vigur

Questa ordinaziun executiva tiel reglament da traffic ei vegnida approvada dalla suprastanza communal ella seduta dils 22 da november 2007 e passa en vigur cun ils 01-01-2008.

Il president communal:

Il canzlist communal:

Claudio Simonet

Valentin Pally